

Орн-нутгт ноос, мах, үс икәр өгхмн!

Кесн кергәрн хәрү өгчәцхәнә

Хө өсгүгъиг болн ноос авл-гъиг цааранднь өргджүлхин тускар, КПСС-н Центральн Комитет болн СССР-н Министрмүдин Советин Бичгиг Элст балгъсна, Сталинә пертә колхозин цуг колхозникүд йир сәәнәр таасдж тосцхав.

Эн колхозин хойрдгч комплексн бригадт болн хөөнә фермд, КПСС-н Центральн Комитет болн СССР-н Министрмүдин Советин Бичгәр күүндвр кегъад, торгън нооста хөд улм икәр өсгдж, ноос икәр киргъдж авхмн гидж шиидцхäv.

1957 джилин январь сарин тоогъин дигәр 38 минъгън бөдүн хөн бәәсн болхла, 1960 джилин чилгчәр хөөнә тоог 80 минъгъ күргхмн, гидж тавн джилә зурадан темдгүлджәнә. Үлдсн гурвн джилин эргүд хөөнә тонь хойр холван өсхмн. Джил болгън нег хөөнәс дундлад зургъан килограмм торгън ноос киргъдж авх болцхав.

Хө киргългънә көдлмш колхозд майин 23-с авн экллә. Эн көдлмш эклснәс авн майин

30 күртл 13 отар киргъгдсн бәәнә. Хөн болгънас 6,2-6,4 килограмм торгън ноос киргъдж авцхаджана. Өмн нүүрт йовх хөөчнр үүрмүд: Социалистическ Күч-көлснә Герой Щепин Тихон Михайлович, наадкснь Щепин Семен Михайлович, Шафаростов Иван Степанович, Кривкин Михаил Ефимович болн нань чигн ах хөөчнр хөн болгънас 5,5-6,5 килограмм ноос авчана.

Хө киргългънә көдлмшт дөрвн агрегат көдлджәнә. Хө киргългънә агрегатсар көдлдж йовх колхозникүд сән килмджән өгч, шаг-бог уга, цевр сән ноос икәр киргъдж авхин төлә социалистическ * дөрлдә кедж йовцхана.

Эдл-ахун зун гектар газрт икәр ноос гаргъдж авх, хөн болгънас ик ноос киргъдж авх, хөөнәс нань чигн шимшүүс элвгәр авхин кергт цуг колхозникүд, тер дотр хөөчнр даалгъвр авцхав.

ДЖИНЪГЛДГИН А.